

SVEČANO OBILJEŽEN ZAVRŠETAK IMPLEMENTACIJE PROJEKTA ENERGETSKE EFIKASNOSTI U OPĆOJ BOLNICI TEŠANJ

# Bolnica za ponos svih građana

Javna ustanova Općina Bolnica Tešanj je proteklog petka svečano obilježila završetak implementacije projekta „Energetska efikasnost”, koji je u proteklom periodu realiziran pod pokroviteljstvom Federalnog ministarstva prostornog uređenja, a kojeg putem kredit-

velikim događajima.

On ističe kako projekat energetske efikasnosti doprinosi ekonomskoj stabilnosti Bolnice i kroz smanjene troškove zagrijavanja bolnice za oko 100 hiljada KM ušteda na godišnjem nivou.

“*Također, već smo na računima za januar i februar uvidjeli da su naši računi za električnu energiju manji za preko hiljadu KM mjesečno. Sve ovo, uz domaćinski pristup svih uposlenika, dovodi do toga da je Bolnica posljednjih godina u stabilnoj finansijskoj situaciji, a obaveze prema dobavljačima nas ne ograničavaju u svakodnevnim poslovima. Ovo je na ponos svima nama, zaposlenicima, osnivaču i svima koji podržavaju naš rast i razvoj. Ovaj projekt je pokazatelj da zajedničkom koordinacijom onih koji investiraju, koji odlučuju i onih koji rade u takvim ustanovama može dati maksimalne prihvatljive i provodive rezultate*”, kazao je direktor Sejdinović, koji se posebno zahvalio Vladi ZDK i premijeru Galijaševiću koji su, kako je rekao, imali razumijevanja za širinu i značaj ovog projekta te su, razumijevajući zahtjeve Bolnice, početnu investiciju od oko 500 hiljada KM prebacili na milion KM.

“*Zbog toga sam im veoma zahvalan, jer upola urađeni posao bi nam otvorio mnoge probleme koje ne bi bili u stanju sami riješiti. Osim toga, sama Bolnica je shvatajući značaj ovog projekta iskoristila priliku da uz ove radove sama finansira*

određena poboljšanja”, dodaje dr. Sejdinović.

Osim projekta energetske efikasnosti, tokom 2016. u Općoj bolnici Tešanj je realiziran je niz drugih značajnih projekata, kao što je vrlo značajan projekt zamjene kompresorske i kiseoničke podstanice sa kompletnim centralnim razvodom gasova čija je vrijednost oko 250 hiljada KM. Također, zahvaljujući podršci privrednika realiziran je i 450 hiljada KM vrijedan projekt kupovine novog multislajdnog CT aparata. U saradnji sa Općinom nabavljen je agregat većeg kapaciteta od postojećeg.

## Ulaganja u 2016. viša od 1,8 miliona KM

“*Zbrojivši sve pomenute investicije može se vidjeti da je tokom 2016. realizirano više od 1,8 miliona KM ulaganja u Opću bolnicu Tešanj. Mi smo svjesni da nova oprema i nove tehnologije proširuju mogućnost novih zdravstvenih usluga, a postojeće usluge podići na viši nivo. Boravak pacijenata je puno ugodniji i komforniji, a radni ambijent osoblju pruža mogućnost da se maksimalno iskažu u struci i budu efikasniji*”, ističe direktor dr. Sejdinović.

Načelnik Huskić je podsjetio na period devedesetih godina kada je u izuzetno teškim vremenima Bolnica izrastala, spašavajući živote mnogih građana koji zdravstvenu zaštitu nisu mogli naći na drugim mjestima.

“*Ponosni samo na taj pe-*



Rifat Sejdinović

nih sredstava Svjetske banke finansira Vlada ZDK. Ovom svečanom činu prisustvovali su potpredsjednica FBIH Melika Mahmutbegović, premijer ZDK Miralem Galijašević, federalni ministar prostornog uređenja Josip Martić, ministar zdravstva ZDK Dragoljub Brenjo, načelnik Općine Tešanj Suad Huskić, kao i predstavnici političkog i privrednog života na ovim prostorima.

## Stabilna finansijska situacija

Riječima zahvalnosti svima koji su na bilo koji način učestvovali u projektu i doprinijeli njegovoj uspješnoj realizaciji na početku svečanosti prisutnima se obratio doc.dr.med.sci. Rifat Sejdinović, direktor Opće bolnice Tešanj koji je kazao da je posebna čast što Bolnica realizaciju ovog projekta obilježava u svojoj 25. godini postojanja i ovaj vrijedan jubilej dočekuje prelijepo, uređena kako to dolikuje



Miralem Galijašević



Suad Huskić



Josip Martić



riod Opće bolnice i svoje vrijeme smo je gajili kao svoju. Lavovski smo se borili protiv oduzimanja osnivačkih prava od strane kantona, vjerujući da možemo postići više zajedničkom snagom kada je

Općina osnivač. Hvala Bogu, ova ustanova se razvija i danas je na vrlo visokom nivou opremljenosti, te znajući i osposobljenosti kadra za pružanje medicinskih usluga. Naša očekivanja su

U okviru projekta energetske efikasnosti implementiran je niz mjera energetske efikasnosti kao što su zamjena kompletne vanjske stolarije sa novom koja ima niži koeficijent prolaska toplote, postavljanje nove termoizolacione fasade i rekonstrukcija krova, zatim ugradnja dva nova kotla na biomasu, te ugradnja termostatskih ventila koji će doprinijeti uštedama.

“*Implementacija mjera energetske efikasnosti u ovoj bolnici može predstavljati primjer kako je lokalna zajednica iskoristila ovaj projekt i angažovala dodatna sredstva, ali i sami pristup ovom projektu*”, kaže Mustafa Čopelj, voditelj implementacijske jedinice za provedbu projekata energetske efikasnosti pri Federalnom ministarstvu prostornog uređenja.



# đana Tešnja i čitave regije



da ovo bude ustanova koja odgovara zahtjevima 21. vijeka i koja će se ravnopravno takmičiti sa svim ovakvim ustanovama u regionu i iza koje ćemo ponosno stajati. Danas se pred ovom ustanovom otvaraju novi izazovi, ciljevi i stremljenja i ovo je samo jedna od faza kojom zaokružujemo prvu četvrtinu vijeka naše Bolnice”, kazao je načelnik Huskić.

“Završetak implementacije ovog projekta je jedan od svijetlijih primjera u implementaciji projekata u cilju poboljšanja uvjeta pružanja zdravstvenih usluga. Posebno je značajno da dok je skoro cijeli zdravstveni sektor u Federaciji BiH u krizi i dubiozi ova bolnica posluje bez gubitaka i svakodnevno raste i razvija se, prvenstveno znanju, radu i zalaganju menadžmenta ove ustanove”, pohvalio je ministar Brenjo, a premijer Galijašević je istakao da je Vlada ZDK opredijeljena za ovakve i slične projekte.

## Zajedničkim snagama za opći progres

“Često kao pozitivan primjer ističem način ponašanja Općine, administracije, privrednika i građana



Tešnja. Sve ono što se radi u Tešnju, radi se na jedan poseban način sa vrhunskim rezultatima”, kazao je premijer Galijašević.

Ministar Martić je istakao da se u Tešnju uvijek osjeća jako dobro.

“Dok sam bio u sastavu Vlade ZDK bili smo česti gosti u Tešnju jer se ovdje često dešavaju lijepe stvari, što me istinski raduje. Ovo je primjer da kada

se svi udružimo i uradimo svoj dio posla da se projekt može učinkovito i efikasno završiti”, kazao je ministar Martić.

Potpredsjednica Federacije BiH Melika Mahmutbegović je istakla da je Opća bolnica Tešanj poznata po dvije velike prednosti, a da su to visok kvalitet zdravstvenih usluga i stručan visokoobrazovani kadar zdravstvenih profesionalaca.

“To je bogatstvo koje Tešanj treba iskoristiti. Prava je sreća za Tešnjake da imaju ovakav zdravstveni kadar. Pozitivne promjene u ovoj bolnici su pokazatelj kako se odnosi domaćinski kad je u pitanju zdravlje”, kazala je potpredsjednica Mahmutbegović.

Ono po čemu je Tešanj poznat u okruženju, a tako i Bolnica, jeste dobra saradnja sa privrednicima. O odličnoj saradnji sa privrednicima svjedoče brojne

donacije, a prema riječima Edina Jabandžića, predsjednika Udruženja privrednika “Biznis centar” Jelah – Tešanj, ovakva i još bolja saradnja će se nastaviti i ubuduće jer privrednici Tešnja trebaju ustanovu koja će biti u mogućnosti servisirati njihove potrebe, kao i potrebe uposlenih koji žive na ovim prostorima.

Jedan od predstavnika izvođača radova, Mijo Čosić, vlasnik i direktor firme “Čosić-promex” Usora je kazao da svako ko dolazi u Tešanj se lijepo osjeća.

“Moje osobno i opće mišljenje je da rijetko koja bolnica u BiH ima ovako lijep pristup pacijentima i svima drugima koji zatraže neku uslugu u Općoj bolnici Tešanj. Svi mi, ne samo Tešnjaci, nego i mi iz Usore, Doboja-Juga i Doboja smo na nju ponosni. Smatram da i dalje trebamo podržati razvoj Bolnice jer joj do sada ide odlično. Ne mora nas okupiti samo poplava i nevrijeme. Udružimo se na dobrim projektima. Ovo je dokaz da kad smo svi zajedno da ima rezultata”, kazao je Čosić.

Nakon svečanosti u Centru za edukaciju Bolnice, upriličeno je svečano otvaranje tri moderno opremljena apartmana u Općoj bolnici, od čega je izgradnju i uređenje dva apartmana finansirala HIFA grupacija, a jedan apartman AS group Tešanj.

Prema riječima Izudina Ahmetlića, predstavnika i jednog od vlasnika HIFA grupacije, ovo je samo nastavak onoga što HIFA grupacija čini, kao i svaka njena članica pojedinačno, odnosno da pokušavaju pomoći u svim segmentima kako bi poboljšali život građana.

“Mi ćemo Bolnicu nastaviti i dalje pomagati sve dok u njoj nema kriminala i nastaviti ćemo pomagati dobre projekte ne samo u Tešnju, nego i u svim općinama ZDK pa i šire”, kaže Ahmetlić.

Potom su zvanice obišle bolnicu uvjerivši se u kvalitet izvedenih radova i dobre uslove za rad i pružanje zdravstvenih usluga, te izuzetan komfor pacijenata.

“Naš je cilj da građani BiH u našoj bolnici dobiju kvalitetnu zdravstvenu zaštitu kakva se pruža u Evropi. Mi to možemo, a zajedno sa vama i hoćemo”, na kraju će direktor dr. Sejdinović.

Tekst: E.Bašić,  
Photo: Č.Katica

